

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808016322, 1808022416 և 1808087839 որոշումներն անփոփոխ, իսկ վարչական բողոքն առանց

բավարարման թողնելու մասին

<<21>> 06 2018թ. 17-13-71276-18/17-13-1996

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վարդգես Ավետիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Փավստոս Բյուզանդի փողոցի 91 շենքի 20 բնակարանի բնակիչ Վարդգես Ավետիսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808016322, 1808022416, 1808087839 և 1707320286 որոշումները՝ նշելով, որ համաձայն չէ որոշումներով արձանագրված իրավախախտումների հետ:

Դիմումի քննարկման և Ճանապարհային ոստիկանության վարչական տույժ նշանակելու մասին թիվ 1808016322, 1808022416, 1808087839 որոշումներով արձանագրված իրավախախտումներն ամրագրած տեսանյութերի լրացուցիչ ուսումնասիրության արդյունքում պարզվել է, որ դիմումատուին վարչական պատասխանատվության ենթարկելու մասին թիվ 1808016322, 1808022416, 1808087839 որոշումներն օրինական են, իրավաչափ և անվավեր ճանաչելու որևէ հիմք առկա չէ:

Ինչ վերաբերվում է Ճանապարհային ոստիկանության վարչական տույժ նշանակելու մասին թիվ 1707320286 որոշմանը, ապա այն սահմանված կարգով առաքվել է հասցեատիրոջը, սակայն փոստային ծառայության կողմից վերադարձվել է ճանապարհային ոստիկանություն և Վարչական իրավախախտումների վերաբերյալ ՀՀ օրենսգրքի 283-րդ հոդվածի համաձայն 19.02.2018թ հրապարակվել է Հայաստանի Հանրապետության հրապարակային ծանուցումների պաշտոնական ինտերնետային կայքում՝ (azdarar.am):

Վերը նշված նորմի համաձայն՝ անձը համարվում է պատշաճ ծանուցված որոշումն ինտերնետային կայքում տեղադրելու օրվան հաջորդող երրորդ օրը, հետևաբար 15.06.2018թ. դիմում ներկայացնելով, դիմումատուի կողմից բաց է թողնվել Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված՝ վերը նշված որոշման դեմ գանգատ տալու 30-օրյա ժամկետը, ուստի դիմումը այդ մասով քննարկման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808016322, 1808022416 և 1808087839 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վարդգես Ավետիսյանին:

